

**KDNK suku ke-3 lebih baik**  
**Utusan Online**  
**November 15, 2011**

KUALA LUMPUR 14 Nov. - Pertumbuhan suku ketiga negara di jangka berada di sekitar lima peratus, lebih baik berbanding dua suku sebelumnya.

MIDF Research berkata, pertumbuhan itu dipacu kombinasi permintaan domestik yang kukuh dan peningkatan eksport di peringkat serantau.

Firma penyelidikan itu mengunjurkan permintaan domestik akan terus menjadi pendukung pertumbuhan, disokong oleh perbelanjaan swasta dan pelaburan serta diperkukuhkan oleh perbelanjaan sektor awam dan aktiviti pelaburan.

Secara khususnya, MIDF Research menjangkakan aktiviti-aktiviti pembuatan domestik berkaitan pembinaan akan kekal menjadi pemangkin pertumbuhan utama.

"Kami yakin aktiviti pembuatan berkaitan pembinaan akan menjadi peneraju pertumbuhan utama, mendapat kelebihan daripada Program Transformasi Ekonomi (ETP).

"Aktiviti pembuatan berkaitan pengguna pula menjadi pelengkap," menurut MIDF Research dalam nota penyelidikannya.

Bank Negara Malaysia dijadualkan mengumumkan prestasi suku ketiga 2011 pada Jumaat ini.

MIDF Research menambah, situasi pekerjaan dijangka stabil meskipun inflasi September berada pada 3.4 peratus. Inflasi kekal stabil sepanjang tahun ini dan kembali sederhana pada tahun depan.

Hakcipta Terpelihara © UTUSAN MELAYU (M) BERHAD

Source:

[http://www.utusan.com.my/utusan/info.asp?y=2011&dt=1115&pub=Utusan\\_Malaysia&sec=Ekonomi&pg=ek\\_01.htm](http://www.utusan.com.my/utusan/info.asp?y=2011&dt=1115&pub=Utusan_Malaysia&sec=Ekonomi&pg=ek_01.htm)